

27 OCT 2000

DR MAHATHIR BERUCAP PADA ASIA SOCIETY MENGENAI MASA DEPAN ASIA

HONG KONG, 27 Okt (Bernama) -- Perdana Menteri Malaysia Datuk Seri Dr Mahathir Mohamad akan berucap kepada Asia Society pada majlis jamuan di sini malam esok.

Dr Mahathir telah diundang oleh institusi yang berpusat di New York itu untuk berucap atas tajuk "Agenda For A New Asia".

Asia Society yang mempunyai sebuah pusat di sini bertujuan untuk memupuk pemahaman mengenai Asia dan komunikasi antara rakyat Amerika dan masyarakat Asia dan Pasifik.

Dr Mahathir dijadual menemui beberapa tokoh ahli perniagaan Hong Kong dan juga masyarakat Malaysia di sana semasa lawatan semalaman itu.

Beliau akan diiringi oleh isteri Datin Seri Dr Siti Hasmah Mohd Ali.

Perdana Menteri juga diundang oleh Asia Society untuk berucap di New York pada September lalu mengenai pengalaman Malaysia berhubung dengan kawalan modal bagi mengekalkan kestabilan kewangan semasa krisis ekonomi yang melanda Asia.

-- BERNAMA

TCL FAZ